



Jumat, 02 Februari 2024

Ogen: Miha 6:6-8



“Nggeluh Alu Ukur Meteruk”



Salah sada biak si ngena ate Dibata e me: rukur meteruk (bhs Indonesia: rendah hati). Biak rukur meteruk perlu tetap i lakoken bas kegeluhen. Kai untungna man banta adi kita rukur meteruk? Salah sadana e me teman-temanta melala. Kalak sirukur meteruk la pertewas dengen ngit ngukuri keperluan teman-temanna.

Ayat 8 i bas ogenta pe ningetken man banta, kerna sura-sura Dibata nandangi kegeluhennta; eme ngelakoken si bujur, encidahken kekelengen si tetap, nggeluh alu ukur meteruk dengen rembak ras Dibata; tangkas kel si i pindo Tuhan guna si dalanken bas tengah-tengah kegeluhenta. Tuhan labo mindo persembahen simbelin (lembu simehuli, biri-biri si melala) tapi si ipindo Tuhan e me kiniterukken rukur, gelah arah kiniterukken ukur si icidahken Dibata erkuasa nandangi kegeluhen anak-anakNa. Kitab Mikha nuriken kerna cara anak-anak Dibata nehken dengen ncidahken kinitekenna er-Dibata. Kiniteruken ukur maba kedamen dengen kiniersdan arih. Lawan kiniteruken ukur eme meganjang rukur. Biak sibagena erbahanca jadi pecah perang subuk bas perukuren bagepe ras kalak sideban. Nggeluh alu ukur meteruk labo mesunah ndalankenca erkiteken arus erkorban; korban perasaan; korban sura-sura daging; korban materi ras sidebanna. Tapi adina ngasup kita ndalankenca nggeluh alu ukur meteruk, kita me jadi kalak si merdeka dengen bebas; sebab lanai kita perlu idah kalak kerna kai si ilakoken bage pe siidalanken; lanai kita perlu iakui kalak nandangi kai si ilakoken. Sebab kalak si meteruk rukur nggo ndatken pengertin bage pe penggejapen kerna erti ersembah man Dibata. Marilah si pebelinlah biak rukur meteruk gelah sidatken keriahen bage pe kedamen i tengah-tengah kegeluhennta.



Blank writing area with a light blue background and a wavy top edge.